

MINISTER FINANS, KOMERS E PLANIFIKASYON EKONOMIK STETMENT POU LASANBLE NASYONAL

LAMANMAN DAN LALWA CUSTOMS MANAGEMENT

Msye. Spiker;

Onorab Lider Lopozisyon dan Lasanble Nasyonal;

Onorab Lider Zafer Gouvernman dan Lasanble Nasyonal;

Bann manm Onorab Lasanble Nasyonal;

Pep Seselwa;

Bonzour;

Msye Spiker I en gran loner pou prezant avek zot, nou propozisyon pou lamanman dan lalwa Komisyon Reveni pour Sesel e lezot lalwa neseler pou pran an konsiderasyon bann sanzman dan striktir zesyon Ladwann e Taks Domestik.

An 2008, avan ki lalwa Komisyon Reveni pou Sesel (Seychelles Revenue Commission Act, 2009) ti pase, Divizyon pour Ladwann ti en antite endepandan, ki vedir son loperasyon ti otonom avek Divizyon Taks Biznes. Sa de divizyon ti ganny dirize par de diferan Komisyonner, e ti raport direkteman avek Minister Finans.

An se moman, pozisyon pli o dan Divizyon Ladwann i Asistat Komisyonner pour Ladwann, ki an se moman, son responsabilite pa donn li lotorite neseler pour pran desizyon administratif pour sa divizyon. Sa in fer ki bann travayer dan sa Divizyon i santi ki bann konsern administratif Divizyon Ladwann pa pe ganny vwar konman en priorite par Konmisyon Reveni. An retour, sa in afekte zot performans konman en divizyon ki annan potansyel pou delivre zot travay dan en fason bokou pli efektiv. Sa sitiasyon in osi fer ki moral travayer in ganny abese.

An prenan kont sa bann konsern, Gouvernman pe propoze dan sa nouvo striktir, ki bann defayans dan travay administratif Divizyon Ladwann i ganny adrese e annan plis lotonomi.

Msye Spiker, alors mon prezant devan Lasanble Nasyonal en lamanman dan lalwa Customs Management act 2011.

Mersi Msye Spiker.